



حركة التحرير الوطني الفلسطيني - فتح  
إقليم استراليا



## تمرة رمضان

العدد رقم ١٢

### فطائر السلق باللحمة المفرومة

يصنف هذا الطبق من المعجنات

مكوناته الأساسية : نبات السلق  
+ لحمة مفرومة + بهارات +  
بييض + ملح + زيت زيتون +  
بصل.



### الماء الغور

الغائب في الأرض الذي يذهب في الأرض ويغيب  
فيها فلا ينتفع منه الناس

يقول تعالى في الآية رقم ٤١ من سورة الكهف:-  
بِسْمِ اللَّهِ الرَّحْمَنِ الرَّحِيمِ (أَوْ يُصْبِحَ مَاؤُهَا غَوْرًا فَلَنْ  
تَسْتَطِيعَ لَهُ طَلَبًا) صدق الله العظيم

### الشاي بالنعناع

مكونات هذا الشراب: ماء مغلي + شاي مجفف + سكر  
حسب الرغبة + ورق نعناع.





حركة التحرير الوطني الفلسطيني - فتح  
إقليم استراليا



حكاوي ستي

## قالت العصفورة

أمن إيش يا تيتا بقولوا أنه كان في زلمة اسمه شمشون وكان غني وعنده جبال ذهب، وفي ناس بنقول إنه ذهب شمشون بغزة وفي ناس بدور عليه، وكمان في ذهب بدريش وين جنب سكة القطار بحد بلدنا؟ وفي كمان.. وفي لهون يا حليلة بكفي حكي ليش بتحكي لي عليه شايفاني بطارد ورا الذهب وإلا عبالى أصير غنية ومشنشلة بالذهب إنصتي وسمعيني بعرف إنك مش قصدك تحكي لأنه أنا بدي ببحبش على الذهب ولا إنتي بتحكي لأنك رابحة بدوري على الذهب يعني قاعدة بتعبي حكي بطنجرة مقعورة لا بتجمع مي ولا بتتفع للطبخ بس اسمها طنجرة وهيد كلامك كان حكي بس هلقيت ملوش معنى.. آه يا ستي على الفقير والمشخر دايمًا بحلم أنه يتغير حال الكون ويقلب دولاب الدنيا ويطلع هو لفوق فوق ويصير معه إيشي وشويات و يبطلع حارم حاله من إيشي وإحنا يا ستي فلاحين شغلطنا نفلح ونحرث وننبش الأرض كان فيها ذهب وإلا سخام البين بدنا نظل نحرق فيها وقد ما بقولوا على كنز مدفون وإلا رصد ملعون ما بطلع لمخبي إلا لحاله صدفة وبدون تخطيط، وبيجي إلي لقوا الغرض بقولوا: إحنا العصفورة قالت إلنا عن مكان الكنز وهاي علاماته منصوبة بدلل عليه وهاي خريطته بتقود لحمار عليه.

يعني يا تيتا عنجد بتبقى العصفورة حاكية ألهم وين الكنز؟ لا يا حبيبتي مش هيد قصدي، إحنا بنقول قالت العصفورة للحكي إليلي ما بنعرف مين قاله يعني كاته كلام وقع من السما ووقع في ذنين ناس بالصدفة، وهذول الناس هم أهل البخت والحظ الله بعلمهم هدية حكي بسوى ثقله ذهب أو يمكن بصل كل واحد بتجييه هديته من السما على قد ما الله كاتب له وقاسم له. وهسعيات بكفي حكي عن الذهب وحكي العصفورة لأنه الحكي هاظا زي ما بخلينا نحلم إنه بكارا رح يصير معنا مصاري وذهب برضه بخلينا نتحسر على حالتنا وقلة مصاريننا. الأصل يمه أنه الواحد يشقى ويتعب لحد ما يصير معه مصاري ويصير يبسط حاله، أما أنه يضل قاعد على ظهر الدار مستني العصفورة تا تحكي له وين الكنز وهيد حكي بغضب الله لأنه يعلم الواحد على الكسل وإنه يركن بغنى من تعب غيره.







حركة التحرير الوطني الفلسطيني - فتح  
إقليم استراليا



خرافية

## الشيخ شلتوت

كان يا مكان في تجار رايحين يبيعوا بضائعهم في سوق عكا وكان في شب زغير أبوه بده يعلمه التجارة كالمهم خذوه معكم وساعدوه بلقي صار تاجر، وافقوا الجماعة وتسهلوا بالطريق صار الشب يحكي معهم عن الغنم واللبن وكيف أبوه علمه كل شي عن الجبنة والجميد والقشطة، وبعدها صار الولد يحكي لهم كيف هو بصيد الغزال وصار يحكي كيف بتخبى وين بظرب الغزال، وظلوا هيذ طول الطريق يحكي ويحكي والتجار ناصتين ما بحكوا إيشي إلا عنجد وبالله عليك وشوية ضحك ومزح. ولما وصلوا عكا راحوا على الخان وصاروا يبيعوا بأغراضهم وهو قوام قوام باع أغراضه وبعديها راح يتفرج على بحر. وهو قاعد إجي واحد من التجار إللي رافقوه بالطريق وقعد جنبه وكاله: إنت جاي تتعلم وإلا جاي تشم هوا وتلعب؟ إنت شب زغير وأبوك وصانا عليك بصرش إللي بتعمله طول طريق السفر وإنت بتحكي والكبار بسمعوا لك ووقت ما أوصلنا على الخان بعث أغراضك بالرخيص وضربت سعر التجار، بالك أنه هيذ شطارة لا أبداً لازم زي السوق اتسوق، وهلقبت إحكي لي وين بدك تخبي مصاريك وشو بدك تشتري فيها، قام الشب كاله: أنا ما بعرف إنه لازم أحكي ولازم أسمع وكمان ما بعرف السعر وشو بعرفني شو بدي اشتري. قام الزلما كاله: أول شي روح خبي مصاريك عند الشيخ شلتوت ما بصير تحملهن معك هيذ بتخلي الحرامية نتفوك.

وثاني إنهار راح التجار على المينا وكانت جاية سفينة الرز الهندي، وصار كل تاجر يشتري إللي لازمه وصاروا التجار يقولوا للشب روح جيب مصاريك واشتري الرز الهندي مطلوب وتجارته سهلة، راح الشب على الشيخ شلتوت بده مصاريه وإلا الشيخ كاله فش إلك عندي مصاري، صار يحكي له إمبارح إجيتك المسا لحالي وقتلي هيذ وهيذ .. والشيخ يقوله: إنت ملكاش عندي إيشي. رجع الشب على المينا وصار يخرف بالتجار إللي صار معه، قام واحد منهم كاله: لو إنك أخذت واحد منّا معك كان شهد معك بس إنت بلا شاهد محدش رح يصدقك هذا الشيخ شلتوت مستورد مال التجار. قعد الشب مثل الحزين على باب مسجد حارة الشيخ شلتوت وقعد يدعي ربه إنه يرجع له ماله، بمرت مرة مهبوبة وقفت قبالة وقالت له: إيش صار مع ابن الأمرا وليش خاطر كك مسور؟ قام كاله قصته، فردت عليه: أنا هلقبت ببعثك زاد ومي وفرشة واترك الموضوع عليي أنا رح أدبره لهذا الشيخ. بكرة الصبح لما تشوفني فايث بتلبس وتجهز حالك بس لا تفوت على بيت الشيخ شلتوت إلا لما تشوف خادمتي فايثة ومعها كيس أحمر، بعد ما تفوت خادمتي بتفوت إنت بعديها على السريع.

راحت المرة ولبست ذهب ملّت صدرها وذراعيها وراحت على شيخ شلتوت وكالت له: بدي أطلع على القدس وخايفة آخذ ذهباتي معي وبدي أخليهن عندك أمانة، قام الشيخ كاله الأمانة إلك محفوظة قام كالت له: بس هاي لا محصورة ولا مأجورة؟ فقالت له: بدي منك شاهد ومني شاهد وبدي تحكي لي قديش بدك مصاري أجرة الأمانة؟ قام الشيخ شلتوت كاله: أنا شاهدي الله وإنتي شاهديك الله وخلي السر بيناتنا، قام كالت المرة: سر إيش يا شيخ هذول ذهباتي وحلالي إيشي من إخواني وإيشي من إعمامي، وبعد شوي دخل الخادم تاع المرة ومعها كيس أحمر فكالت المرة: هاظا خادمي وهو شاهدي وصارت تحكي أنه هاظا الكيس الأحمر مليون ذهب كمان، شوي وإلا فات الشب المغدور وسأل الشيخ شلتوت: وين مصرياتي يا شيخ؟ قام دلّه على درج زغير بالغرفة وكاله: خذ مصاريك وتعال إشهد المهم الشب أخذ مصاريه وظله طالع ولحقته المرة وخادمها إجي الشب بده يعطيها حلوان كالت له المرة: أحسن حلوان أنك تحكي زي ما في بعكا شيخ شلتوت في ست لبنوت.



حركة التحرير الوطني الفلسطيني - فتح  
إقليم استراليا



## صدر حديثا

### كتاب غزة والحركة الوطنية الفلسطينية

- المؤلف: حسان فتحي البلعاوي.

- إصدار: دار الشروق للنشر والتوزيع.

- يتناول الكتاب واقع غزة في ظل الانتفاضة الثانية، وحصار الرئيس أبو عمار واستشهاده، سيطرة حركة حماس على غزة، متوقفا عند النصف الأول عام ٢٠٠٨، أي قبل الحرب الإسرائيلية الأولى على غزة والتي تنبأ بها المؤلف.



## فراشات فلسطين

الاسم العلمي

**Deudorix livia**

ديدوريكس ليفيا

